

» de X el costume, la lo pol dar vanamente per assae, ma pol un
 » zorno, oh Dio! un cittadin zelante per verificar el voler della
 » patria por a pericolo tutti i corpi, la libertà del Mazor Conseg-
 » gio, l'onor e el decoro dell' eccelso Conseggio de X.

» L' eccellentissimo sier Alvise Emo vol nel bossolo verde esclu-
 » sa la proposizion. Da sta novità de giudizio difendo el Mazor
 » Conseggio. La dise che non compete al Mazor Conseggio el giu-
 » dizio su i punti controversi? Oppono a sta novità; el voto non
 » sincero confermi sta competenza e liberi da sto pericolo la repub-
 » blica. Eccellentissimo signor, quando ella ha eccità, come halla
 » eccità. Le parole del mandato, fiol del suo eccitamento conferma,
 » e ze le istesse parole dell' eccitamento del Contarini.

» La patria, sempre sensibile ai mali, l' ha spiegà i so deside-
 » rj per renderghene opportuni rimedj. La serenissima Signoria
 » d' allora ha obbedido. L' ha offerto una proposizion limitatissima
 » alla revista dei capitolari dei Conseggi e Collegi. Ze insorto alla
 » ballottazion l' eccellentissimo Emo. L' ha desiderà, che se abbre-
 » viasse el tempo della correzion invece dei 16 mesi l' ha voludo i
 » otto. L' ha desiderà, che fosse nel mandato inchiusi alcuni capitoli.
 » Uno de questi ze el ministero. Come halla terminà? Son insorto
 » in allora zelante e onesto, se anche non sembro. Ho montà sta
 » renga, e ho sostenudo, che stasse fermo el mandato qual l' era.
 » Fu commessa la riproduzion per i due articoli. La proposizion
 » era piena de desiderj, ma el tempo era breve, e la correzion
 » gnente ha possudo propor. Donca el ministero ze competente al
 » Mazor Conseggio, se l' eccellentissimo Emo l' ha inchiuso nel man-
 » dato dei correttori.

» El ghe dise, *le vadi de no, perchè zà no ghè bisogno de gnente*
 » *e i magistrati competenti agisce con vigilanza.* Ma la proposizion se
 » rivolge a sti corpi. Donca la esclude la carta, e po el termina con
 » una manifesta contradizion, el difende la carta, della qual el vol la
 » reggezion.

» Se colpa dei omeni ze spiegar i so desiderj, i so lagni coi